



An Bhruiséil, 20 Meitheamh 2017
(OR. en)

10466/17

FIN 390
AGRI 343
AGRIFIN 60
AGRISTR 50

TORADH NA nIMEACHTAÍ

ó:	Ardrúnaíocht na Comhairle
chuig:	na toscaireachtaí
Uimh. an doic. roimhe seo:	6793/17
Ábhar:	Tuarascáil Speisialta Uimh. 25/2016 ó Chúirt Iniúchóirí na hEorpa dar teideal: "The Land Parcel Identification System: a useful tool to determine the eligibility of agricultural land - but its management could be further improved" - Conclúidí ón gComhairle (20 Meitheamh 2017)

Gheobhaidh na toscaireachtaí san iarscríbhinn a ghabhann leis seo na conclúidí ón gComhairle maidir le:

Tuarascáil Speisialta Uimh. 25/2016 ó Chúirt Iniúchóirí na hEorpa dar teideal: "The Land Parcel Identification System: a useful tool to determine the eligibility of agricultural land - but its management could be further improved"

a ghlac an Chomhairle ag an 3552ú cruinniú a bhí aici ar an 20 Meitheamh 2017.

Conclúidí ón gComhairle

maidir le Tuarascáil Speisialta Uimh. 25/2016

ó Chúirt Iniúchóirí na hEorpa dar teideal: "The Land Parcel Identification

**System: a useful tool to determine the eligibility of agricultural land - but its
management could be further improved"**

MAIDIR LE COMHAIRLE AN AONTAIS EORPAIGH

- (1) IS DÍOL SÁSAIMH DI Tuarascáil Speisialta Uimh. 25/2016 ón gCúirt maidir leis an gcóras aitheantais le haghaidh dáileachtaí talún (LPIS);
- (2) TUGANN SÍ DÁ hAIRE na moltaí ón gCúirt lena ndírítear ar LPIS a fheabhsú a mhéid a bhaineann le cur leis an bhfaisnéis atá ar fáil agus í a nuashonrú agus a léirmhíniú, mar aon le hanailís a dhéanamh ar chost-éifeachtúlacht an chórais;
- (3) TACAÍONN SÍ leis an sprioc an Comhbheartas Talmhaíochta (CBT), lena n-áirítear LPIS, a shimpliú agus MEASANN SÍ gur cheart don Choimisiún díriú ar infheidhmeacht na n-uirlisí simpliúcháin (an tairseach chobhsaíochta, mar shampla) agus athbhreithniú á dhéanamh aige ar na rialacha, ar na ceanglais agus ar na roghanna a bhaineann le LPIS do CBT nua don tréimhse i ndiaidh 2020;
- (4) MEASANN SÍ gur cheart aon athrú a dhéantar ar rialacha a bhaineann le LPIS a bheith mar thoradh ar chinnteoireacht pholaitiúil agus reachtach agus gur cheart bunús a thabhairt leis sna bunghníomhartha;
- (5) CUIREANN SÍ I dTREIS ina thaobh sin, maidir leis na costais agus na hualaí riaracháin a bhaineann le LPIS a chothabháil agus, b'fhéidir, a nuashonrú, gur cheart iad a theorannú don mhéid is lú is gá agus nár cheart do gníomhaireachtaí íocaíochta na mBallstát, mar shampla, na dáileachtaí tagartha atá in LPIS a nuashonrú rómhinic ná gan ghá i gcás éagsúlachtaí beaga i limistéir thomhaiste;

- (6) MEASANN SÍ gur cheart tuilleadh a dhéanamh chun aghaidh a thabhairt ar LPIS i gcoitinne, lena n-áirítear na moltaí ón gCúirt sa tuarascáil speisialta dá cuid ar LPIS, agus sin i gcomhthéacs an phlé ar CBT don tréimhse i ndiaidh 2020, agus aird chuí á tabhairt ar an gcuspóir costais agus ualaí riaracháin a laghdú.
-